

ԱՐԵՎՄՏԱՀԱՅՈՒԹՅԱՆ ԾԱՆՐ ՎԻՃԱԿԸ
ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՆԱԽՕՐՅԱԿԻՆ

Ջ. Ս. ԿՐԻՍՏԻԱՆ

Պատերազմի նախօրյակին օսմանյան կայսրությունը միևնույն բանտն էր այնտեղ ապրող ժողովուրդների համար, ինչպես սուլթան Աբդուլ Համիդի տիրապետության ժամանակ։ Կայսրության կազմի մեջ բացի Թուրքիայից մտնում էին Արևմտյան Հայաստանը, Սիրիան, Արևելյան Թրակիան, Իրաքը, Արարիան, Պաղեստինը, ինչպես նաև անվանապես՝ Լիբանանը և Նեգիպոսը, ուր փաստորեն հաստատվել և տեր ու անօրինություն էին անում անգլիական և ֆրանսիական կապիտալիստները։ Ամբողջ կայսրության բնակչության ընդհանուր թվի միայն երեքորդ մասն էին կազմում թուրքերը։ Թուրքական պետականությունը բռնակալական միջոցներով շարունակում էր իր տիրապետությունն իրականացնել սլավոնների ու արաբների, հայերի ու բրդերի և այլ ժողովուրդների վրա։

Հսկա պետության մեջ իր իշխանությունն էր հաստատել «Բթիհատ վեկեթաբթը» (Միություն և առաջադիմություն) կուսակցության պարագլուխներ Էնվերի, Ենվեթի, Ջեմալի և այլոց հակաժողովրդական, ռեակցիոն կլիկայի Այս կուսակցությունն արտահայտում էր վեր բարձրացող թուրքական ազգային առևտրական բուրժուազիայի, լիբեռալ կալվածատերերի, բանակի սպայության ու թուրքական ազգայնական-բուրժուական մտավորականության շահերը։ Գլխավորելով 1905—1907 թթ. ռուսական առաջին ռևոլյուցիայի ազդեցության տակ սկսված շարժումը, 1908 թ. հեղաշրջումով դաժնեկեց անելով երեսուն տարի թագավորած արյունոտ սուլթան Աբդուլ-Համիդին և 1876 թ. թուրքական սահմանադրությունը վերականգնելու ուղղությամբ մի շարք կիսատ-պռատ քայլերից ու խռատումներից հետո այս կուսակցության վերնախավն իր դիկտատուրան հաստատեց երկրում։

Վերնախավային հեղաշրջում կատարելով, երիտասարդ թուրքերը փաստորեն իրենց գործն ավարտված համարեցին։ Նրանք չլուծեցին հեղափոխության առաջադրած և ոչ մի սոցիալական խնդիր, խոչընդոտեցին նրա վերաճումը բուրժուա-դեմոկրատականի՝ սարսափելով ժողովրդական մասսաների ակտիվությունից ու ինքնուրույն պահանջներից։ Քնթե օրինակի համար վերջենենք XX դարի ռևոլյուցիաները, — գրել է Վ. Ի. Լենինը, — ապա հարկ կլինի, իհարկե, պորտուգալական ու թուրքական ռևոլյուցիաներն էլ բուրժուական համարել։ Բայց նրանցից ոչ մեկը, ոչ էլ մյուսը ժողովրդական չեն, որովհետև ժողովրդի մասսան, նրա վիթխարի մեծամասնությունը ակտիվ, ինքնուրույնորեն, իր սեփական տնտեսական ու բաղադրական պահանջներով նկատելի կերպով հանդես չի եկել այդ ռևոլյուցիաներից և ոչ մեկի մեջ»¹։

¹ Վ. Ի. Լենին, Երկեր, հատ. 25, էջ 537։

Նրիտասարդ թուրքերի իշխանությունը հենց սկզբից լիակատար կախման մեջ մնաց օտարերկրյա կապիտալից: Իրենց առաջին քայլերին արտաքնապես հակաիմպերիալիստական ձև տված երիտթուրքերը շատ շուտով անցան հին ռեժիմի դիրքերին, իմպերիալիստական այս կամ այն խմբավորմանը հարելուն, նրանց հովանավորությունից օգտվելուն:

Ազրաբային ոլորտում ոչ մի փոփոխություն տեղի չունեցավ: Շահագործման տիպիկ ֆեոդալական, թուրքական ձևերը շարունակվում էին: Հարկային քաղաքականության հին ասիական սկզբունքը՝ ժողովրդից խլել որքան հնարավոր է շատ, իսկ դրա դիմաց ոչինչ չտալ, պահպանվում էր իր ամբողջ այլանդակությամբ:

Արևմտահայ անվանի գրող Նրվանդ Օտյանը շատ դիպուկ է բնորոշել երիտթուրքերի իշխանությունը: «Խոսք, ամեն բան խոսքով եղավ, գործով՝ ոչինչ», — գրել է նա: «...Գյուղացին, ինչպես համիտյան բռնակալության օրով, այսօր սահմանադրական ռեժիմին մեջ ևլ պիտի մեռնի անոթութենե», «ոմեկ փոփոխություն նշած է այդ «գուլումի» երկրին համար. հոս ուրախություններու, հրճվանքներու, խորտիկներու ու համադամներու առատության մեջ ոչ մեկը միտքեն կանցրեն, ոչ մեկը թե՛ ինչ կրեն անդին գավառը»²:

Աբդուլ Համիդի կառավարման շրջանի տիրապետող վերնախավի, կալվածատերերի, բեկերի, պետական մեծաթիվ բյուրոկրատիայի, զինվորականության, կոմպրադորական բուրժուազիայի մակարույծ կյանքը ոչնչով չէր փոխվել: Տնտեսական, քաղաքական, կրոնական հողի վրա հալածանքները շարունակվում էին: «Իմպերիալիզմի դեմ պայքարելու փոխարեն իթթիհատականները կանգնեցին իրենց սեփական ժողովրդի դեմ պայքարելու ուղու վրա»³: Ոկսվեց տեռորի նոր շրջան: Համիդի 50 հազարանոց զադտնի ոստիկանների ու լրտեսների ոհմակը Թալեաթի և Զեմալի գլխավորությամբ շատ ավելի կատարելագործեց քաղաքական պրովոկացիաների և հալածանքների իր փորձը: Կախաղանը նորից դարձավ քաղաքական հակառակորդների հետ հարաբերություն ունենալու միակ միջոցը:

Նրիտասարդ թուրքերի իշխանության օրոք չափազանց սրվեց ազգային հարցը: Թուրքական նոր կառավարությունը ազգային հարցում շարունակեց Համիդի գործը: Կայսրության ոչ թուրք ժողովուրդների և, մասնավորապես, արևմտահայության սոցիալական և ազգային անտանելի գոյավիճակը ավելի վատացավ: Նրիտասարդ թուրքերը համառորեն բացասում էին ազգային հարցի գոյությունն իսկ Թուրքիայում, ձգտում էին այն տեսնել և մեկնաբանել մեծապետական ոգով⁴, փորձում էին անտեսել այն իրողությունը, որ դարերի ընթացքում թուրք բռնակալների կողմից կայսրության փոքր ազգերի նկատմամբ վարած բիրտ ճնշման, ազգային ամեն ինչ ոտնահարելու, կոխկրտելու քաղաքականությունը՝ մերկապարանոց սրի վրա հենվող ճնշողի, տիրապետողի և ճնշվողի, արհամարհվողի փոխհարաբերությունից, ազգամիջյան խոր ներհակություններից բացի ուրիշ ոչինչ չէր ստեղծել:

2 Ն. Օտյան, Նրկերի ժողովածու, հատ. 4, էջ 678—679:

3 А. Новичев, Очерки экономики Турции до мировой войны, М. — Л., 1937, էջ 40:

4 «Պայքար», 1917, № 6 (61), 12, 2:

5 Х. Габдуллин, Младотурецкая революция, М., 1936, էջ 107:

Նրանք հենց սկզբից փորձում էին հաշվի չառնել այն հանգամանքը, որ «Թուրքիայում ազգային փոխհարաբնությունների ամենարնորոշ գիծն այն էր, որ բացառությամբ Անատոլիայի, տիրապետող ազգը, այսինքն թուրք-օսմանները, ոչ մի տեղ բնակչության գերակշռող տարրը չէին հանդիսանում: Ե՛վ Հայաստանում, և՛ Միջագետքում, և՛ Քուրդիստանում թուրքերը ներկայացված էին լոկ պաշտոնյաների և զինվորների խմբով, որոնք ամբողջապես օտար էին այդ երկրների բուն բնակչությանը: Դեռ ավելին, թվով փոքրամասնություն կազմելով, օսմանները կուլտուրայիս պալի չափով զիջում էին և արարներին, և՛ հայերին»⁶:

Թուրքական բնակավայրերում ուժի մեջ էր ստեղծվել տիրապետող ազգի շահագործող վերնախավի և ճնշված, արյունաքամ եղած, տարրական իրավունքներից զրկված, նորմալ զարգացման և բարգավաճման հնարավորությունը կորցրած, թուրքական յաթաղանի պարբերական հարվածների և նեղարկված մյուս ժողովուրդների միջև Այդ ուժի մեջ խափանում էր ճնշված ժողովուրդների հետագա առաջընթաց զարգացումը թուրքական պետության շրջանակներում:

Թուրք աշխատավորը, առաջին հերթին՝ աղքատության, խավարի ու ամենաբիրտ շահագործման ճիւղերում գալարվող հողագործի գյուղացին՝ բնկիկ և ամ հարկահավաքի անլուր կեղեքումներին և նեղարկված թուրք կամ քուրդ մարաբան անշուշտ կարող էր խաղաղ հաբեան լինել այլապես իր սոցիալական եղբայրների հետ: Սակայն դարերի ընթացքում երկրի աշխարհիկ ու կրոնական տերերը Ղուրանի ու նրա սպասավորների միջոցով մահմեդական զանգվածին ներշնչել էին, որ քրիստոնյան «ընտրյալ չէ» մարգարեից, այլ «զյավուր է», արժանի ոտնահարության ու ոչնչացման:

4. Մարքսն իր «Ազգությունները Թուրքիայում» հոդվածում գրել է, որ մահմեդական ֆանատիզմով վարակված թուրքական «խաժամուժը» արգելակում էր Թուրքիային կանգնելու առաջադիմության ուղու վրա, որ նա «խանդավառությամբ պաշտպանում էր իր երեւակայական գերազանցությունը և իր տրագիկոն արտոնությունը՝ անպատիժ կերպով էքսցեսներ կատարելով քրիստոնյաների նկատմամբ»⁷: Ինչպես նկատում էր Արշ. Զուրարյանը, «...թուրքական ֆեոդալիզմը տարբերվում էր եվրոպականից գլխավորապես նրանով, որ Թուրքիայում հասարակության շերտավորումն անցնում էր ոչ միայն սեփականատիրական հարաբերությունների, այլև ազգային ու դավանական մակարդակում»⁸: Հենց թուրք ֆեոդալիզմն էր, որ իր բիրտ շահագործումն ու կեղեքումն իրականացնում էր թուրքական զանգվածի սոցիալական ղեկավարությունն ազգային անհաշտության ուղին մղելով: «Թուրք կամ տաճիկ մասսաները և ոչ մի դեպքում չի եղել, որ ինքնաբերաբար որևէ մասսայական հաճախում գործած լինի իր հաբեան ուսյա ժողովրդի վրա: Այդ միշտ և հանապազ թելադրվել է վերևից, բարձրից, սուլթանների և իր պնակալիզ արրանյակների՝ փաշաների և շեյխերի կողմից և տանիկ մասսաները տաբաթախաբաբ, գրեթե միշտ էլ եմբարկվել են այդ արյունախում պրովոկատորներին՝ շնորհիվ իրենց ծայր աստիճան տգիտության»⁹:

⁶ В. И. Гурко-Кряжин, История революции в Турции, М., 1923, էջ 45:

⁷ К. Маркс и Ф. Энгельс, Сочинения, изд. I, т. IX, էջ 374:

⁸ «Պայքար», 1917, № 3 (56):

⁹ «Կարմիր դրոշակ», 1919, № 13, 10. 8:

Երիտասարդ թուրքերը նույնպես շարունակեցին ճնշված ժողովուրդների նկատմամբ այն քաղաքականությունը, որ երեսուն տարի շարունակ վարում էր սուլթան Աբդուլ-Համիդը: Ինչպես նկատում է սովետական գիտնական Ա. Դ. Նովիչևը, «ազգային հարցում նրանք իրենց դրսևորեցին որպես ամենակոտորովիստներ, գերազանցելով դրանում նույնիսկ Աբդուլ-Համիդին»¹⁰:

Նախ, երիտասարդ թուրքերը նախկինի նման փորձում էին անտեսել Արևելյան Անատոլիայի (Արևմտյան Հայաստանի) յոթ վիլայիթների՝ Վանի, Բիթլիսի (Բաղեշի), Խարպուտի (Խարբերդի կամ Մամուրեթ ու Ազիզի), էրզրումի (Կարինի), Աիվասի (Սեբաստիայի), Դիարբեքի (Տիգրանակերտի), Տրապիզոնի՝ 1198 հազար, Կիլիկիայի՝ 205 հազար, Ասիական Թուրքիայի այլ մասերի՝ 440 հազար, Կ. Պոլսի ու Եվրոպական Թուրքիայի՝ 183 հազար հայ բնակչության ազգային գոյությունը, փորձում էին ոտնահարել նրա ամենատարրական իրավունքները¹¹: Մեծ Հայքը՝ հայ ժողովրդի բնօրրանը, սոսկ աշխարհագրական հասկացողություն չէր, այլ նրա հայրենիքն իր որոշակի սահմաններով: Ինչպես գրել է Վահան Տերյանը, հայերը իրենց հարազատ երկրում, Հայաստանում տակավին XVII դարում կազմում էին ամբողջ բնակչության 98 տոկոսը¹²: Մինչև XIX դ. կեսը Արևմտյան Հայաստանում հայերն ունեին բացարձակ մեծամասնություն: Սակայն երկարամյա հալածանքները, բռնի կրոնափոխությունը, կանխամտածված ջարդերը, տեղահանություններն ու արտագաղթը ժամանակի ընթացքում փոխում էին այդ հարաբերակցությունը: Թուրքական բռնակալները որդեգրել էին «Հայր մեծամասնություն չունի» նշանաբանը և գործնականում ամեն ինչ անում էին դրան հասնելու համար: 1878 թ. Բեռլինի կոնգրեսից սկսած Թուրքիան նվազեցված էր ցույց տալիս հայերի թիվը: Անհրաժեշտ էր ի չիք դարձնել Հայաստանի ինքնավարության կամ այնտեղ բարենորոգումներ իրականացնելու հիմքերը:

Միատարր մահմեդական բնակչություն ստեղծելու, այս կամ այն նահանգում նրա թվական գերազանցությունը ցույց տալու նպատակով սկսեցին երկիրը արհեստական վարչական բաժանումների ենթարկել, վերացնել հայկական նահանգների մասին հասկացողությունը: Այս միջոցառումները բրգկրտում էին հայ ժողովրդի ուժերը, խոչընդոտում նրա նորմալ աճն ու զարգացումը:

Առաջին համաշխարհային պատերազմին նախորդած 50 տարիների ընթացքում, համիդյան և երիտթուրքական ուժիմների օրոք հայ ժողովրդի թիվը պակասել էր կիսով չափ: Հարյուրավոր հայկական գյուղեր, որոնց նկարագրությունը կա հայ և օտար հեղինակների գրվածքներում, անհետացան, թուրք կառավարությունը նրանց տեղում բնակեցրել էր թուրքերի, քրդերի և Բալկաններից ու Կովկասից գաղթած մահմեդականների: Մյուս կողմից, կյանքի անպահովությունը, թշվառությունը, արդարության բացարձակ չգոյությունը, բռնապետությունն ու հալածանքը ստիպել էին բազմաթիվ հայերի գաղթել Ռուսաստան, Բալկանյան երկրներ ու Ամերիկա:

¹⁰ А. Новичев. Очерки экономики Турции до мировой войны, էջ 38:

¹¹ ՀՍՍՐ ՊԿՊԱ, Քաղվածքների ֆոնդ, գ. 2, թ. 311—347, տե՛ս նաև Альберт Вандаля, Армяне и турецкие реформы, пер. с фр., СПб, 1908, էջ 6:

¹² Տե՛ս Կ. Տերյան. Երկրի ժողովածու, հատ. 1, Կ. Պոլիս, 1924, էջ 394:

Այնուամենայնիվ, շնայած թուրք բռնակալների բոլոր ճիգերին ու մերե-
նայություններին, հայ ժողովրդի գլխավոր մասը համառ տոկունությամբ
մնացել էր իր հայրենի հողին կոթնած. նա մինչև պատերազմի սկիզբը կազ-
մում էր հայ ժողովրդի ամենակարևոր հատվածը՝ իր թվով, տերիտորիայի և
տնտեսական կապերի ընդհանրությամբ, մշակույթի օջախներով ու պատմա-
կան կոթողներով:

Թուրքական կառավարությունը միշտ միտումնավոր կերպով կեղծում էր
վիճակագրությունը՝ հաստատելու համար, թե հայերը միայն աննշան փոքրա-
մասնություն էին կազմում:

Օրինակ, թուրքական կառավարությունը Վանի վիլայեթի հայերի թիվը
պատերազմից առաջ ցույց էր տալիս 80 000: Մինչդեռ 1915 թ. միայն Ռու-
սաստանում ապաստանած Վանի վիլայեթի հայերի թիվը 150 հազարից ավելի
էր: Վանի վիլայեթի բնակչության 53 տոկոսը հայեր էին¹³:

Թուրքական կառավարությունը երբեք ցույց չէր տալիս ազգությունների
ճշգրիտ թիվը, այլ նրանց խմբավորում էր ըստ կրոնի:

Բևուլենի դաշնագրից հետո, որ իբր թե պետք է երաշխավորեր «հայերի
կյանքի ու ինչքի ապահովությունը», Հայաստանի ազգագրական պատկերն
արմատապես փոխվեց բոնությունում ու կոտորածով: Բաղդատելով հայոց
պատրիարքարանի 1882 և 1912 թթ. կազմած վիճակագրությունները, մենք
տեսնում ենք, որ 1882 թ. Թուրքիայում հայերի թիվը 2.600.000 էր, որից
1.680.000-ը Արևմտյան Հայաստանի վեց վիլայեթներում¹⁴: 1912 թ. այդ թիվն
սարգին նվազել էր մինչև 2.100.000-ի: Նույնիսկ Թուրքիայի պալմաններում
բնականոն աճի ղեկավարում 30 տարվա ժամանակամիջոցում հայերի թիվը պետք
է ավելանար առնվազն 500.000 նոր ծնունդով: Դեռանից հետևում է, որ այդ
30 տարվա միջոցին թուրքական սուլթանի կողմից կոտորված հայերի թիվն
իրականության մեջ կազմում էր մեկ միլիոն մարդ:

Երիտասարդ թուրքերը սուլթան Աբդուլ Համիդից ստացած երկրի ազգա-
բնակչության ժառանգության հետ վարվում էին նույն սկզբունքով: Նրանք
սիրտում էին անտեսել այն իրողությունը, որ պատերազմի նախօրյակին էրզ-
րումի, Վանի, Բիթլիսի, հարրերդի, Սիվասի և Դիարբեքի վիլայեթներում
թուրքերի թիվը բնակչության միայն 25,24 տոկոսն էր կազմում, իսկ հայերինը՝
38,9 տոկոսը, որ թվով ուրեմն հայերը այս շրջաններում... ամեն ցեղից
սերակշռող են»¹⁵:

Բուլղերիկյան «Պրավդա»-ն գրել է, որ երիտթուրքերի «իշխանությունը
խարսխվում է բացառապես կոպիտ ֆիզիկական ուժի վրա: Թուրքական չքա-
վորությունը և Թուրքիային ենթարկված ժողովուրդները շահագործվում և
ոչնչացվում էին նախկինի նման, թեև գոյություն ունեն «պառլամենտ»: Նոր
ռեժիմի գազանությունները, կաշառքը, կաշառակերությունը համարյա ոչըն-
չով չէին տարբերվում «կարմիր սուլթանի» ժամանակների նման երևույթնե-
րից»¹⁶:

¹³ «Մշակ», 1914, № 266, 25. 11:

¹⁴ ՀՍՍՐ ՊԿՊԱ. Քաղվածքների ֆոնդ, գ. 3, թ. 311—347:

¹⁵ Ց. Լ. Կ. Կ. Կ. Կ., Հայկական հարց. տե՛ս «Der Christliche Orient» ամսագրի 1913 թ.
մայիս-հունիսի համարը. «Հորիզոն», 1913, № 139, 26. 6:

¹⁶ «Илравда», 1912, № 93.

1909 թ. Ադանայում 25—30 հազար հայերի կոտորածի մեղքը փորձեցին բարդել հին ռեժիմի պաշտոնյաների վրա: Այս ուղղությամբ նրանց պրոպագանդան շատ ջանաց: Բայց ասպացուցվեց հակառակը: Հարցը ուսումնասիրելու համար Ադանա ուղարկված քննիչներից մեկը՝ Հակոբ էֆենդի Պապիկյանը, որը թրքասերի համարում ուներ, այնուամենայնիվ իր եզրակացության մեջ դրել էր, որ «Միություն և առաջադիմություն» «կոմիտեի անդամներն ու պարագլուխներն Ադանայում օգնել են կազմակերպելու և իրագործելու հարձակումը հայ համայնքի վրա»¹⁷: Նույն թերթը ասպացուցված էր համարում երիտթուրքերի «մեղսակցությունը այն ավագանների հետ, որոնք բռնություններ են գործում անպաշտպան հայ բնակչության վրա»:

Ոչ ոք արդեն չէր տարակուսում, որ ոչ թուրք ժողովուրդների դեմ գործադրվող միջոցառումները խրախուսվում և կազմակերպվում էին երիտասարդ թուրքերի ղեկավարությամբ և նրանց:

Բուլղարական սոցիալ-դեմոկրատները՝ «տեսնյակները» 1910 թ. օգոստոսի 10-ին սերբական սոցիալ-դեմոկրատների հետ համատեղ դիմեցին 11 էնտերնացիոնալի Կոպենհագենի կոնգրեսին մի հուշագրով, որտեղ բացահայտում և դատապարտում էին երիտասարդ թուրքերի բարբարոսական քաղաքականությունը քրիստոնեական բնակչության նկատմամբ: Նրանք պահանջում էին, որպեսզի սոցիալիստական կուսակցությունների կոնգրեսը հանդես գա թուրքական կանխալուծության դեմ և մերկացնի երիտթուրքական ռեժիմը: Բուլղարիայի բանվորները իրենց միտինգներում բողոքի բանաձևեր էին րնդունում րնդդեմ այդ ռեժիմի¹⁸:

Էրզրումում ռուսական գլխավոր հյուպատոս Շտրիտտերը 1910 թ. սեպտեմբերի 29-ին Կ. Պոլսի ռուսական դեսպանատանը հղած իր մի գրության մեջ շատ դիպուկ կերպով բնորոշել է իրերի վիճակը: «Չնայած սահմանադրությանը, — գրում է նա, — որ մտցված է երկու տարի առաջ, և թուրքերի ու հայերի քաղաքական իրավունքների կարծեցյալ հավասարությանը, վերջիններս թուրքերի հետ րնդհարումների ժամանակ միշտ մեղավոր են դուրս գալիս և պատժվում ամենայն խստությամբ հին սկզբունքով՝ հայ է, նշանակում է մեղավոր է»¹⁹: Արևմտյան Հայաստանում տնտեսական ճնշումը որպես կանոն ուժեղացել էր րնդգծված ազգային սկզբունքով: Այնտեղ տերն ու տնօրեններ նա էր, ով գենք ուներ: Իսկ գենք ուներին մահմեդական ֆեոդալը, ավագակախմբերի գորբաները: Կ. Պոլսում ռուսական դեսպան Գիրսը ավելի ուշ, 1912 թ. նոյեմբերի 26-ին, արտաքին գործերի մինիստրությանը հղած իր գրության մեջ նշում էր, որ 1894—1896 թթ. հայկական ջարդերից հետո հայերի վիճակը «բոլորովին չէր փոխվել դեպի լավը», որ «ազրարային հարցը օրավուր սրվում է»: հայերի հողերը գավթում են, իսկ իշխանությունները չեն խոչընդոտում, այլ հովանավորում են օրինազանցներին: Դեսպանը հյուպատոսների պկայությունների հիման վրա հիշատակում էր հայերի նկատմամբ կատարվող ավագակությունների, կոլոպուտների, առևանգումների, բռնի մահմեդականացման մասին և նշում, որ սանձարձակությունների համար մեղավորները

17 «Новое время», 1913, № 13359.

18 «История дипломатии», т. III, М., 1963, էջ 734—735.

19 «Турецкая политика истребления армян (1880—1922), документы и материалы», сост. проф. М. Нерсисян (машинопись).

երբևէ պատասխանատվության չէին կանչվում²⁰։ Հիրավի, հայերի անձր, նրանց սեփականությունը թուրքական իշխանությունների, քրդական բեկերի ու տնձգությունների ամենահարմար օբյեկտ էին։ Սովորական բան էր հարկը երկու անգամ գանձելը, ստացական չտալը, ունեցվածքի անպատիժ բռնագրավումը, սպանությունը։

Միայն 1913 թ. ոչ լրիվ սովյալներով, թուրք կալվածատերերը և բուրդ բեկերը հայերից 30 հազար պուլաղցիական հողամաս էին խլել։ Թուրքական իշխանությունները հայերից խլված հողերը բաժանում էին, հենվելով ամենատեսակցիոն ուժերի վրա, խորացնում ազգային և կրոնական հակամարտությունը, խոչընդոտում տարրեր ազգությունների պատկանող աշխատավորների բարեկամության ամրապնդումը։ Ինչպես նշում է Լեոն, «Երիտասարդ թուրքերը շտապեցին ցույց տալ, որ բյուրդ կալվածատերերն իրենց համար նույնչափ թանկ էին, որքան և հին ու ժամի համար»²¹։

1912 թ. վերջին և 1913 թ. առաջին ամիսներին պատրիարք Արշարունին 176 թագրի՝ դեկոնցադիր էր ներկայացրել կառավարությանը։ Բայց այդ բոլոր դիմումները մնում էին «ձայն բարբառո անապատի»։ «1896 թ. կոտորածից հետո հայերից խլված հողերը նրանց չվերադարձվեցին, — գրում է Մանգելշտամը, — իսկ հայկական պատրիարքարանի բոլոր բողոքները անհետևանք էին մնում»²²։

Կ. Պոլսում Ռուսաստանի դեսպան Մ. Գիրսը 1912 թ. հունիսի 16-ին հաղորդում էր Պետերբուրգ՝ արտաքին գործերի մինիստրին. «Դրությունը Հայաստանում իսկապես այնքան է ցավալի, որքան հին ու ժամի օրոք էր։ Հայկական թերթերի բոլոր հոդվածները և պատրիարքարանի դիմումները Դոանը մնում են անհետևանք։ Անվտանգության բացակայությունը ինչպես անձի, այնպես և ունեցվածքի նկատմամբ, մշտական սպանությունները, կոլոպուտները և բռնությունները բրդեղի կողմից, կառավարման անարդարությունը և որոշ ուֆորմների անհրաժեշտությունը ամբողջապես նշում են հայերին»²³։ «Ամբողջ 1912 թ. ամառվա ընթացքում հայ բնակչության նկատմամբ կոլոպուտի, բռնությունների, սպանությունների, իշխանությունների անարդարացի դիրքի մասին բողոքները չէին զաղարում»²⁴։

Հակահայկական գործողություններն առանձնապես սաստկացել էին՝ Վանի, Բաղեշի, Մշո, Սղերգի և այլ շրջաններում, որտեղ դրանք արտահայտվում էին ինչպես քաղաքական, այնպես և տնտեսական կյանքում։ «Հայերը կջորդվին, հայերը կկոլոպուտվին, հայ կնիկները կառևանգվին, հայերուն հողերը կհափշտակվին», — գրում էր Երվանդ Օտյանը 1913 թ.²⁵։

Անցնում էին օրերը, բայց բողոքները, թղթակցությունները, հավարի կոչերը, օգնություն աղերսող աղեկատու աղաղակները չէին զաղարում, իսկ վիճակը չէր փոխվում։ Համիդը չկար, «բայց համիդական հայաջինջ քաղաքականությունը հավատարմաբար շարունակվում էր»²⁶։

20 ՀՍՍՌ ՊԿՊԱ, Քաղվածքների ֆոնդ, գ. 33, թ. 87—89։

21 Լեոն, Անցյալից, Խիֆիս, 1925, էջ 240։

22 А. Н. М а н д е л ь ш т а м, Младотурецкая держава, М., 1915, էջ 20։

23 ՀՍՍՌ ՊԿՊԱ, Քաղվածքների ֆոնդ, գ. 33, թ. 84։

24 Նույն տեղում, ֆ. 57, ց. 2, դ. 666, թթ. 13, 14, 22, 23։

25 Երվանդ Օտյան, Երկերի ժողովածու, հատ. 4, էջ 655։

26 ՀՍՍՌ ՊԿՊԱ, ֆ. 57, ց. 2, դ. 666, թ. 44։

Ահա թե ինչպես էր նկարագրում Տարոնում տիրող վիճակը ներսևս Լպիս-կոպոս Խորախանյանը 1912 թ. հոկտեմբերի 13-ին Մուշից էջմիածին՝ կաթողիկոսին ուղղած մի գրության մեջ, որը մենք բերում ենք քաղվածաբար.

«Մեր գավառի ցանքերու մեջ նույնպես կարևոր տեղ մը կրոնն տասանորդի կապալառուներու (մինիթեզիմ) ի գործ դրած բռնությունները, որոնք պատրվակներով հայ և քյուրդ գյուղացիին կկեղեքեն և կկոդոպտեն, շաբաթներով կալերը երեսի վրա կձգեն, մաքրված ցորենը չէն չափեր, ավելորդ հարկ պահանջելով մինչև որ զոհացում ստանան, իրենց բաժինը գլուխ գլուխ, այսինքն չափը դիզված. առանց փայտ զարնելու կաունն, գիշերով ցորենի շեղջերու Լնիքը զաղտնի ավրել տալով՝ առավոտյան տալանք կպահանջեն: Դատախազն ալ դատավորն ալ իրենք ըլլալով, ո՛վ կարող է դիմադրել, եթե երբեք գտնվին ժամանք, որ համարձակին կառավարությանը դիմել ոչ միայն ապարդյուն ևս կդառնան, այլ անելի ծանր վնասներու կնստարկվին»:

«Թուրքական ոստիկան զինվորները (ժանդարմ), որոնց պաշտոնը զխավորապես գավառի ապահովության հսկելն է, շարագործները հալածելով և ձեռքակալելով, սակայն իրենք ավազակներն ոչ նվազ շարիք մըն են գյուղացի ժողովրդյան, զորս կծեծեն, կխոշտանգեն, կկեղեքեն որոնցմե ձրի կստանան իրենց և ձիերու կերակուրը, ասոնք սովորական գործերնին է, մանավանդ, երբ հայ զինվորները ժողովելու կերթան ու դանոնք պատրաստ չեն գտնել, կրակ ու բոց կդառնան անոր ազգականներու զխին: Ասոնց բարբարոսական և օրինազանց վարմունքի դեմ քանիցս հեռագիրներով բողոք բարձրացրած են... Բայց քննիչներու բոլոր ջանքն եղավ ճշմարտությունը ծածկել և ուտիկան զինվորները արդարացնել ու անոնք իրենց պետերու և կառավարության այս զաղտնի պաշտպանութենեն քաջալերված կշարունակեն իրենց բռնությունները անօգնական ժողովրդյան հանդեպ»:

«Իսկ սպանություններու ու ալան թալանի մասին ավելորդ կհամարեմ մանրամասն նկարագրություններով ձանձրացնել Ձերդ վեհափառությանը: Ի տեղեկություն կներփակեմ այս մեկ տարվան մեջ պատահած սպանություններու և անառակությաններու ցանկը, սակայն ըստ իմ խոնարհ կարծյաց խորին ուշադրության արժանի և նկատելի կետեր ոչ թե այս դեպքերն են, որոնց մասին թուրք պաշտոնյայի ստորագրություններն մինչև բարձրագույնները միշտ զանազան եղանակներով մասնավոր դեպքեր ցույց տալ, այլ այն վնասակար և հալածիչ ուղղությունը, սև ատելության ոգին ու քունավոր զգացումը, որ ընդհանուր է ոչ միայն թուրք պաշտոնյայից, այլ նաև ամբողջ հարուստ ու զարգացյալ օստակարգին. շատ ցանցառ բացառությամբ, հայերու գանգատներու նկատմամբ, անոնց բոլոր խոսքերը, խոստումները կեղծ են, կխաբեն թե հայտնի թե զաղտնի և կխաբեն առանց ամաչելու, թերևս մտքովնեն կծիծաղեն դյուրահավատներու վրա ալ: Անոնց տպիկները սոսկալի մոլեռանդ են և աչքերնին տնկած հայու ունեցածին, իսլամ շեղողի մը վրա արև անգամ չեն ուզեր, որ դպի, իսկ կրթվածները կամ ժեռն թուրքերը սոսկալի ազդայնամուլ են և ավելի վտանգավոր»²⁷:

Անտարակույս, օսմանյան կայսրության բոլոր ժողովուրդներն էլ ենթարկված էին ֆեոդալական ճնշման և շահադործման: Բայց, ինչպես նշում է Ա. Դ. Նովիչևը, «հատկապես ծանր էր հայ գյուղացիների դրությունը, որոնք իրենց

27 Նույն տեղում, թ. 45—50:

սնույաշտպան լինելու և ազգային ճնշման հետևանքով, հանդիսանում էին շահագործման համար ամենահարմար օբյեկտը: Դրան ավելացրած նաև այն, որ քուրդ ընկերը հայերին կողոպտելու համար ոչ միայն չէին պատժվում Կենտրոնական սուլթանական կառավարության կողմից, այլև ղեռ ամեն կերպ խրախուսվում էին, քանի որ նա ձգտում էր զրանով իր կողմը քաշել հաճախակի ապստամբող Քուրդիստանի ընկերին»²⁸:

Մի այլ ռուս հեղինակ՝ Լ. Օշերովսկին նույնպես ընդգծում էր, որ Քուրդիայի տերիտորիայի վրա բնակվող բոլոր ժողովուրդներից հայերն ամենից շատ էին ծառայում Քուրդիայի կողմից որպես շահագործման, բռնության, չարդի և զայրացուցիչ դաժանության օբյեկտ»²⁹:

Համընդհանուր դժգոհությունը երիտթուրքերի ներքին քաղաքականությունից՝ թե՛ սոցիալական և թե՛ ազգային մարզերում բնականաբար ուժեղացավ Քուրդիայի արտաքին քաղաքական դժվարություններին զուգընթաց: Բալկանյան պուշին պատերազմում (1912—1913 թթ.) Քուրդիան պարտվեց 4—5 դար շարունակ թուրքական յաթաղանից տրոբված ու կծկված բալկանյան ժողովուրդների հարվածներից: Քուրդը զինվորը վերադառնում էր պատերազմի դաշտից, որտեղ երկկա «ռայան» հաղթանակ էր տարել: Քուրքական պրոպագանդան շարաշահում էր մահմեդական ֆանատիզմը, նրան հաղորդում ավելի սանձարձակ բնավորություն: Ջալդ ու փշուր եղած թուրքական զորա մասերը վերադառնում էին Անատոլիա, իրենց ետևից բերելով տեղահանված մահմեդական դադթականության զանգված: Ընչազուրկ և քաղցած ամբոխը իր դժբախտության մեղավոր պետք է տեսներ ոչ թուրք ժողովուրդներին՝ ահա պաշտոնական քաղաքականության հետապնդած նպատակը: Այս ամենը ավելի էին խորացնում ազգամիջյան ներհակությունները:

Արևմտահայ ժողովուրդը, թուրքական կայսրության մյուս ճնշված ժողովուրդների հետ մեկտեղ օրավոր իր դժգոհությունն էր արտահայտում երիտթուրքական ռեժիմից, որը ոչ մի սոցիալական առաջադիմական քայլ չանելով շարունակում և ավելի էր կատարելագործում թուրք ազգի բացառիկության շովինիստական դադափարախոսության վրա խարսխված իր հակաժողովրդական քաղաքականությունը:

Որիտասարդ թուրքերի իշխանությունը շարունակում էր միջնադարյան բիրտ մեթոդներով իրականացնել իր տիրապետությունը հին և հարուստ մշակույթ ունեցող ժողովուրդների վրա: Հայ ժողովրդի լայն խավերը հանգում են այն եզրակացության, որ այդ նոր ռեժիմի պայմաններում հայերը դատապարտված են աստիճանական չքացման, որ հայ մարդու կյանքի, զույթի, առավի ապահովության խնդիրը չի կարող լուծվել թուրքական պետականության շրջանակներում:

1913 թ. հուլիսին, բալկանյան երկրորդ պատերազմի ժամանակ թուրքական բանակի զորավար Սամի բեյն անխնա ջարդ էր կազմակերպել բուլղարների թողած Ռոդոստո, Մալգարա և Միրիոֆիտո քաղաքների հայերի և մյուս քրիստոնյաների նկատմամբ: Ոչ թե վերացական դատողությունները, այլ ղեկավարի ընթացքը համոզում էր հայ մարդկանց, որ ոչ մի լավ բան այլևս թուրքական կառավարողներից հնարավոր չէ սպասել: Շատերը բռնում էին հայրենի

28 Ա. Գ. Ն ո վ ի չ և, ելվ. աշխ., էջ 62:

29 Л. О ш е р о в с к и й, Трагедия армян-беженцев, СПб. 1916, էջ 21:

հողից ու տնիս հեռանալու ճանապարհը: Ա. Մանդելշտամն ապացուցում է, որ երիտթուրքական կառավարության միջոցառումներն ուղղված էին քրիստոնյաների մասսայական արտագաղթ առաջացնելու, տեղահանված քրիստոնյաների հողերը թուրք օսմաններով բնակեցնելու նպատակին³⁰:

Կյանքի ծանր պայմանները, քաղաքական տեղորոշումն ու հետապնդումներն ավելի ուժեղացրին Արդուլ Համիդի օրոք մեծ չափերի հասած հայերի արտագաղթը (նկատենք. որ 1890-ական թթ. ջարդերից հետո ԱՄՆ, Եգիպտոս, Բալկաններ էին գաղթել մոտ 200 հազար մարդ)³¹:

Մինչդեռ 1903—1907 թթ. միայն ԱՄՆ էր գաղթել 9000 հայ, ապա 1908—1913 թթ. այդ թիվն անցավ 28 հազարից³²: Միայն 1913 թ. գարնանը Խարբերդից ԱՄՆ գաղթեցին 1300 հայեր: Արտագաղթը կատարվում էր աշխարհի շատ երկրներ: Հատկապես մասսայական էր հայ աշխատավորների արտագաղթը Կովկաս, իսկ այնտեղից՝ Ռուսաստանի ամենատարբեր շրջաններ:

Շատ շատերը օգնություն էին ակնկալում դրսից, մտածում բալկանյան ժողովուրդների օրինակով ազատագրվել թուրքական լծից, հույսեր էին կապում Եվրոպայի և Ռուսաստանի պաշտպանության ու հովանավորության հետ: Բալկանյան պատերազմների շրջանում ավելի արմատավորվեցին հայ ժողովրդի ռուսական կողմնորոշման հիմքերը: Այդ կողմնորոշումը դարձավ արևմտահայության կողմից օսմանյան լծի թոթափման շոշափելի հույս: Սրան նպաստում էր նաև ռուսական պետականության որդեգրած պաշտոնական քաղաքականությունը: «...Ռուսաստանը ոչ միայն կուրոզ է, այլև պարտավոր է իր վրա վերցնել դժբախտ հայ ժողովրդի ազատության փառավոր միսիան», — հռչակում էր կառավարող շրջաններին մոտ կանգնած «նովոյե վրեմյա» թերթը³³:

Գրիգոր Զոհրապը 1913 թ. հունվարին արտահայտվելով հայ ժողովրդի արևմտյան հատվածի ճակատագրում Ռուսաստանի ունենալիք դերի մասին, ասում էր. «Մեր գլխավոր հենարանը հայկական հարցում՝ Ռուսաստանն է, հարևանության իրավունքով և շահագրգռվածության աստիճանով»³⁴: Նա այն կարծիքին էր, որ ցարիզմի ճնշումից չպետք է վախենալ և այդ պատճառով խուսափել Ռուսաստանի աղղեցությունից: Իր այս միտքը հիմնավորելով, Զոհրապն ասում էր, թե հայերը «չէին ղրկվի ռուսական քաղաքական իշխանության պայմաններում զարգանալու հնարավորությունից, մանավանդ, որ Ռուսաստանը երիտասարդ երկիր է, ապագա ունեցող պետություն և այն էնչումը, որի մասին այդքան շատ են խոսում, միշտ չէ որ տիրապետելու է Ռուսաստանում»³⁵:

1912 թ. նոյեմբերի 26-ին Կ. Պոլսում Ռուսաստանի դեսպան Մ. Գիրսը հաղորդում էր արտաքին գործերի մինիստրին, որ Թուրքիայում ամենուր ուժեղանում է հայ մասսաների ձգտումը դեպի Ռուսաստան, որ այդ համակրանքը թափանցել է նաև թուրքահայ բուրժուազիայի և մտավորականության մեջ: Ինչպես հայտնում էր, որ ռուսական հյուպատոսները վաճում, բայադե-

30 Մանդելշտամ, նշվ. աշխ., էջ 33—34:

31 A. Hacobian, Armenia and the War, London, 1917, էջ 170:

32 «Հորիզոն», 1913, № 149:

33 «Новое время», 2 апреля, 1913, № 13311.

34 ՀԱՍՏ ՊԿՊԱ, ֆ. 57, ց. 2, գ. 685, թ. 15, 16:

35 Նույն տեղում, թ. 18:

առում. Երկրիստում, էրզրումում և Տրապիզոնում միահամուռ հաստատում էին լուսինիստիկ Բողոքական համակրանքը Ռուսաստանի նկատմամբ: Օրինակ, Վանի փոխ-Նյուպատոսը հաղորդել էր, թե «ներկայումս բոլոր հայերը Ռուսաստանի կողմում են. անկեղծորեն ցանկանում են մեր զորքերին, կամ ուժեղանքներ՝ Ռուսաստանի հսկողությամբ»: Բայազետի փոխ-Նյուպատոսը հայտնում էր, որ «հայերն առանց կուսակցությունների տարբերության, շատ թշնամաբար են վերաբերվում այժմ Թուրքիային և շատ են ցանկանում Ռուսաստանի պրոտեկտորատը: Գիրսին այցելած Զոհրապուր և Մարտիկյանը հայտարարել էին, որ հայ ժողովուրդը ուրիշ ոչ մի հիշատակում, բացի Ռուսաստանին դիմելուց, որ նրան կփրկեր սարսափելի դրությունից»³⁶ (հետագայում 1916 թ. Վանի ցեղասպանության ժամանակ Զոհրապուրը և Մարտիկյանը Ռուսաստանի կողմից զոհվեցին):

Հայ ժողովուրդը բալկանյան ժողովուրդների նման ձգտում էր ազատվել օսմանյան տիրապետությունից: Լիբիան, ապա Ալբանիան, իսկ հետո Մակեդոնիան կորցնելուց հետո կատաղած թուրքական շովինիստները ձգտում էին բոլոր միջոցներով կանխել արևելյան նահանգների կորուստը, պահպանել թուրքական հանրաբանությունը: Երազանք է կատարվել հայ ժողովրդի արևմտյան հատվածի ազգային և ֆիզիկական գոյության հաշվին: «Նրանք գիտակցում էին, — գրում էր Պետերբուրգի «Նովոյե վրեմյա» թերթը, — որ Հայաստանի թուրքացման միջոցով Թուրքիան կշարունակի իր քիչ թե շատ պատշաճ գոյությունը, հակառակ դեպքում թուրքերի փոքրասիական տիրապետությունները կկործանվեն նույն ձևով, ինչը պատահեց Բալկանյան թերակղզում իրենց տիրությունների հետ»³⁷:

Երիտասարդ թուրքերի իշխանությունը ձգտում էր կայսրությունում ապահովել թուրքական փոքրամասնության բռնակալական պետականության գերիշխանությունը մնացած ժողովուրդների վրա:

Իթթիհատի շարքերում 1908 թ. հաշվվում էր 75 հազար անդամ, իսկ 1909 թ. արդեն 100 հազար անդամ³⁸: Ահա այս բազմանդամ կազմակերպությունը որդեգրեց թուրքական շովինիզմի գաղափարները և սկսեց դրանք տարածել և արմատավորել թուրք ազգաբնակչության մեջ: Եղբայրության մասին լոգունգին փոխարինելու էր գալիս եղբայրասպանության գործելակերպը: Պանիսլամիզմը՝ «խաների, կալվածատերերի, մուլաների և այլնի դիրքերի ամրապնդման» (Վ. Ի. Լենին) նպատակ հետապնդող կրոնա-քաղաքական այդ գաղափարախոսությունը այլևս չէր բավարարում երիտթուրքերին: Չէ որ արարները և կայսրության մյուս մահմեդականները ձգտում էին ազատագրվել թուրքական լծից: Արարների հետ մերձենալու փորձեր անելով երիտթուրքերը ուզում էին պետության մեջ ստեղծել իսլամական մի զորեղ բլոկ և այդպիսով

³⁶ ՀՍՍՌ ՊԿՊԱ, Քաղվածքների ֆոնդ, գ. 33, թ. 87—89:

³⁷ Նույն տեղում, գ. 45, թ. 11—12:

³⁸ «Новое время», 31 мая, 1913.

³⁹ Գալիսիական լեզվ. աշխ., էջ 106:

ամրապնդել իրենց տիրապետությունը: Բայց այդ ճիգերը վերջանում էին անհաջողությամբ, քանի որ իսլամը ի վիճակի չէր խանգարել թուրքական կայսրության դեմ ուղղված արաբական ազատագրական շարժմանը: Այն արդեն անկարող էր ապահովել թուրքական պետության միասնությունը: Առաջ քաշվեց և գործողության մեջ դրվեց «Թուրքիան՝ թուրքերի համար» գաղափարը, այսինքն այն քաղաքականությունը, ըստ որի հայրենիքի իսկական քաղաքացի էին հռչակվում միայն նրանք, ովքեր թուրք էին, կամ թուրք կղաղնային, կմոռանային սեփական լեզուն, կծուլվեին թուրքերի հետ:

Երիտթուրքական պրոպագանդան թուրքերին ամենաբարձր ոասա էր հռչակում, նրանց համարում ամենարնդունակ և ամենաքաջ ժողովուրդ. որը ստեղծվել է միայն տիրապետելու համար: Պանթուրքիստներն ատելություն էին սերմանում մյուս ժողովուրդները նկատմամբ, այդ ուղին միակն էին համարում թուրքերի գերիշխանությունը պահպանելու համար: Պանիսլամիզմի պանթուրքիզմի գաղափարախոսներ Թեքին-Ալփի, Զիա Գյոքալփի, Զելալ Նուրիի, Աքշուրա օղլի Յուսուֆի, Ահմեդ Աղանի և այլոց գաղափարները ամենամարդատյաց ռասիզմի, թուրք ազգի բացառիկության և մյուս ժողովուրդների նկատմամբ թշնամական ատելության ոգով էին դաստիարակում թուրքական երիտասարդությանը:

Երիտթուրքերի Սալոնիկի համագումարի (1911) ընդունած որոշումներում զարգացվեցին և կոնկրետ բնույթ ընդունեցին թուրքական մարտաշունչ շովինիզմի այդ գաղափարները: Այնտեղ ուղղակի ասված էր Թուրքիան «իսկական մահմեդական երկիր» դարձնելու, մահմեդական տարրի գերիշխանությունը նույնիսկ այն շրջաններում ապահովելու մասին. որտեղ նրանք փոքրամասնություն էին կազմում: Մահմեդականությունը համապարփակ էր դառնալու, մյուս կրոնների ազդեցությունը վերանալու էր, ոչ թուրք ազգությունները զրկվելու էին կազմակերպվելու, քաղաքական կուսակցություններ ստեղծելու իրավունքից՝ ահա համագումարի հարցադրումները: Միաժամանակ երիտթուրքերի պարագլուխները պահանջում էին բոլոր ջանքերը գործադրել ոչ թուրքերին, անշարժ գույքից, հատկապես հողային ունեցվածքից զրկելու, ֆինանսապես անանկադնելու և նրանց հաշվին թուրքական տարրը գորացնելու համար⁴⁰: Համագումարում հավանություն ստացած բանաձևի համաձայն մերժվում էր բացի թուրքերենից որևէ այլ լեզվի պաշտոնապես ճանաչումը: Թուրքերեն լեզու պետք է տիրապետեր և ձուլման ենթարկեր մյուս ազգություններին: Անտեսելով արաբների, հայերի, հույների, քրդերի և բազմաթիվ այլ ազգությունների առկայությունը երկրում, բանաձևում նրանք արհամարհաբար հիշատակվում էին որպես «չնչին մեծություն»⁴¹: Մամուլի էջերում կառավարությանը կոչ էր արվում ոչ թուրք ժողովուրդներին ստիպել խոսել միայն թուրքերեն⁴²: Այդ համագումարում արդեն որոշվել էր աշխարհագրական քարտեզից ջնջել Հայաստան անվանումը⁴³:

Այսպիսով, ժխտելով ազգային հարցի առկայությունը, անտեսելով, որ թուրք ժողովրդի ազգային գիտակցության բարձրանալուն զուգընթաց, բարձ-

⁴⁰ «Новое время», 28 мая, 1913.

⁴¹ A. Toynbee, Turkey: A Past and a Future, New-York, էջ 26:

⁴² Նույն տեղում, էջ 28—30:

⁴³ «Լրաբեր», 1963, 27. 4:

րանում էր նաև մյուս ժողովուրդների ազգային զիտակցությունը, երիտթուրքերը զործնական հողի վրա էին դնում կայսրության ոչ թուրք ազգություններին ակտիվ ձուլման ենթարկելու հարցը՝ Պետական օրգանները, թուրքական մամուլը, զինվորական իշխանությունները՝ իրենց զործունեությունը կառուցում էին, ելնելով այդ շովինիստական պահանջից։ Օրվա հրատապ հարց էր դարձել պետական հիմնարկներից քրիստոնյաներին հեռացնելու և նրանց թուրքերով փոխարինելու խնդիրը⁴⁴։ Ռազմական ուսումնարանի սովորողների համար կազմված մի շրջաբերականում ուղղակի ընդգծվում էր թուրքերին ռասայական «առավելությունների» հպարտությամբ դաստիարակելու անհրաժեշտությունը⁴⁵։ «Բոլորն այժմ օսմանյան քաղաքացիներ են,— հայտարարում էին նրանք,— և դրա համար անհրաժեշտություն չկա առանձին ազգությունների համար հատուկ հիմնարկներ հիմնել՝ հիմնարկները պետք է լինեն միասնական և պետական», այսինքն զուտ թուրքական⁴⁶։ Մեվլան-դադե Ռիֆաթը նշում է, որ երիտթուրքերի ղեկավարները ձգտում էին թուրքական տարրը տիրապետող դարձնել մյուսների նկատմամբ, նրանց բացառիկ դիրք վերապահել և մյուսների վերացնելով կամ բնաջնջելով զուտ թուրքական պետություն ստեղծել⁴⁷։ Իթիհատական աչքի ընկնող գործիչ ղոկտոր Նազրմար Աղանայի կոտորածի նախօրյակին ասում էր. «Պետությունը պետք է տարամերժորեն թուրք լինի, տարա տարրերի գոյությունը պատրվակ է եվրոպական միջամտության. պետք է բռնի թրջացնել նրանց»⁴⁸։ Նա գտնում էր, որ պետք է զուգակցել համիսլամության գաղափարը համաթուրանականության հետ, որը պետք է դառնար իրենց զործունեության հիմնաքարը, ոգին և խանդավառներ նրանց գործնական տեսակետից⁴⁹։

Թուրքերի «գերազանցության», նրանց իշխող դիրքի պրոպագանդան օրավուր լայն շափեր էր ընդունում։ Մարտաշունչ պանթուրքիզմի տեսաբան Յուսուֆ Աքչուրան 1911 թ. Կոստանդնուպոլսում իր հիմնած «Թուրք Յուրդու» (Թուրքական տուն) ամսագրում սիստեմատիկորեն առաջ էր տանում այն միտքը, որ օսմանյան կայսրությանը վտանգ է սպառնում և որ տարրեր ազգերի համերաշխության քարոզով, հնացած կրոնական հասկացողություններով հնարավոր չէ փրկել այն։ Միակ միջոցը նա համարում էր թուրքերի անվերապահ տիրապետությունը կայսրության մյուս ժողովուրդների նկատմամբ։ «Թուրքը,— ասում էր նա,— տիրապետող և հրամայող ցեղ է, ստեղծվել է իշխելու համար»⁵⁰։ Թուրքիզմի մի այլ ջերմեռանդ պրոպագանդիստ՝ Զիա Գյոքալփը իր բանաստեղծությունների մեջ ատելություն էր քարոզում մյուս ժողովուրդների նկատմամբ, իշնամանք սերմանում ժողովուրդների միջև։ Նա հայտարարում էր. «Նրանց, որ չեն թուրքին հետ՝ ինձնից անեծք բարձրաձայն»⁵¹։ Փաս-

⁴⁴ Frédéric Macler, La nation Arménienne, son passé, ses malheurs, Paris, 1923, էջ 49։

⁴⁵ Ա. Թ ո յ ն Ր ի, Նշվ. աշխ. էջ 20։

⁴⁶ Ի ո յ ո Ր ո ղ կ ո, Նշվ. աշխ., էջ 288։

⁴⁷ Մ ե վ լ ա ն - դ ա դ ե Ռ ի ֆ ա թ, Օսմանյան հեղափոխության մութ ծախքերը, Բեյրութ, 1938, էջ 170։

⁴⁸ Զ ա Ր և ա ն դ, Միացյալ Անկախ Թուրանիա կամ ինչ կծրագրեն թուրքերը, 1926, փջ 53։

⁴⁹ «Արարատ», 1963, 8, 9, Բեյրութ։

⁵⁰ Զ ա Ր և ա ն դ, Նշվ. աշխ., էջ 70, 71, 75։

⁵¹ Նույն աեղում, էջ 95։

տորեն սրան էր պատկանում պատերազմի ժամանակ արևմտահայության բնա-
նջման քաղաքականության «տեսական» հիմնավորումը⁵²։

Գործնական քայլեր էին արվում մահմեդական կրոնը պանթուրքիզմի պրոպագանդայի հետ զուգակցելու, կրոնին ազգային՝ թուրքական ոգի ներար-
կելու ուղղությամբ։ Թարգմանվեց և «Իսլամ Մեճմուսար» հանդեսում առաջին
անգամ թուրքերեն հրատարակվեց Ղուրանը, մի բան, որը մինչև այդ խստորեն
արգելված էր և մեծ մեղք էր համարվում։ Յուրաքանչյուր միջոցառում իրա-
կանացնելիս թուրքական շովինիստները մահմեդական զանգվածի մոտ իրենց
դիրքերը ամրապնդելու համար դիմում էին կրոնին, հիմնավորում իրենց քայ-
լերը Ղուրանով, սիրաշահում մահմեդական հոգևորականությանը։

Առանձնապես թունդ ազգայնական պրոպագանդա էր մղում 1912 թ.
Կ. Պոլսում ստեղծված թուրքական ուսանողական «Թուրք օջախի» (թուրքական
բնտանիք) ընկերությունը, որը կարճ ժամանակում վաթսուն մասնահյուղեր՝
ազգային ակումբներ ստեղծեց Անատոլիայի տարբեր մասերում, ինչպես նաև
Կովկասում և Թուրքմենստանում։ Կ. Պոլսում այս կազմակերպության միջոցա-
ռումներին որպես կանոն ներկա էին լինում թուրքական կառավարության ան-
դամները։ Կազմակերպության անդամ կարող էին լինել միայն թուրքերը։
Սրանց հավաքույթների, միջոցառումների, դասախոսությունների գլխավոր
բովանդակությունը թուրք ազգի բացառիկության, նրա տիրապետության և գե-
րիշխանության ռասիստական քարոզն էր։ Նման գործունեություն էր ծավալել
նաև «Թուրքական ուժ» կոչվող կազմակերպությունը, որի խորհրդանիշը սպի-
տակ գայլն էր⁵³։

Այս կազմակերպությունների գործունեության, իթթիհատական կառավա-
րության կողմից իրականացվող քաղաքական գծի շնորհիվ զգարմանալիորեն
կարճ ժամանակվա մեջ ամբողջ մտավորականությունը հավատացյալ, համոզ-
ված, կատաղի պանթուրքիստ էր դարձել⁵⁴։

Իթթիհատի պարագլուխներից ղոկտոր Նազրմիր հայտարարում էր, թի
«Սուլթանները մեղապարտ թուլությամբ թույլ տվին, որ իրեն գրաված երկր-
ներում բնիկ տարրերը ապրեն, զարգանան, փոխանակ թրքացման քաղաքա-
կանությամբ նրանց ձուլելու, լուծելու թուրք ազնվական ժողովրդին մեջ»⁵⁵։
Նշելով Բալկաններում իրենց պարտությունները, նա գտնում էր, որ դրանից
հետո ուշադրություն պետք է դարձնել Անատոլիայի վրա, որից արևելք ան-
սահման հնարավորություններ կան թուրքական պետության «զարգացման և
բնդարձակման համար»։ «Մի մոռանաք, — ասում էր նա, — որ մեր նախահայ-
րերը Թուրանից են եկել և այսօր Անդրկովկասի, ինչպես և Կասպից ծովից դե-
պի արևելք բնդարձակ հողամասերի վրա թուրք ցեղերն ապրում են գրեթե
միատարր, ավաղ, մեր դարավոր թշնամի Ռուսաստանի լծի տակ։ Մեր քաղա-
քական հորիզոնը բաց է մնում այդ ուղղությամբ միայն և մենք պետք է իրա-
կանացնենք թուրք ցեղի միությունը Միջերկրականից մինչև Արալի ծովը։ Ի-
րենց ծագումին և պատմական կոչումին պիտակիո թուրք մտավորական և քա-
ղաքական գործիչները այս հեռանկարով միայն կկարողանան առաջնորդվել և

⁵² С аркис А т а м я н, Армянская община, М., 1956, էջ 48։

⁵³ Ա. Թ ո յ ն Ր ի, Նշվ. աշխ. էջ 38։

⁵⁴ Զ ա ր ե ա ն դ, Նշվ. աշխ., էջ 105—106։

⁵⁵ «Արարատ», 1963, N 6542 (254)։

դրանով խանդավառել նաև ժողովուրդը և երիտասարդությանը, որ իրար հաջորդող պարտություններից և ձախուղումներից կարծես մատնված է հուսալքյունի»⁵⁶։

Այս տեսակետի զարգացմանը մեծապես նպաստում էր արևմտանվորուական և, մասնավորապես, գերմանական իմպերիալիզմը, որը հակառուսական դիրքերից էր մոտենում Թուրքիայում կատարվող անցուդարձին։

1915 թ. Գերմանիայում հրապարակած իր դրբում Թուրքական շովինիզմի գաղափարախոսներից Թեքին Ալփը տվել է իթթիհատականների հետապնդած նպատակների, գործելակերպի սպառնալից պատկերը⁵⁷։ Այն է՝ տերիտորիալ նոր պլաններ կատարել Արևելքում, համախմբել աշխարհի տարբեր երկրներում բնակվող Թուրքական ցեղերին (իս հաշվումներով 60-ից 70 միլիոն մարդ), «ազատագրել» նրանց օտարերկրյա տիրապետությունից, նրանց միավորել Թուրքական մեկ պետության մեջ, ճգմել մյուս ազգերի դիմագրություններին և պլանների իրագործման ճանապարհին։ Եվ ինչպիսի՞ ֆանտաստիկ մասշտաբներ. հյուսիսում՝ Վոլգայից ու Կամայից մինչև Եվրոպական Ռուսաստան, արևելքում՝ մինչև Ալթայ, Մոնղոլիա ու Պարսկաստան, արևմուտքում մինչև Հյուսիսային Աֆրիկա, Թունիս և Մարոկկո։ Պանթուրքիստները գաղտնի գործակալներ էին ուղարկում այդ երկրները, աշխույժ պրոպագանդա մղում Թուրքական ռասայի միավորման համար⁵⁸, ձգտում այդ երկրների ժողովուրդներին ենթարկել Ստամբուլի իշխանությանը⁵⁹։

Նման նկրտումների, ֆանտաստիկ պլանների առկայության դեպքում բնականաբար լուրջ խոչընդոտ էին համարվում հայկական ազատագրական շարժումը, Ռուսաստանի ու Եվրոպայի մյուս պետությունների օգնությամբ հայկական ինքնավարության կամ անկախ պետության ստեղծման գաղափարը Թուրքական նվաճողական ծրագրի տեսակետից։ Նույն նազրմը հայտարարում էր, թե իրենց «քաղաքական ծրագրի իրականացման նախապայմանը՝ հայկական հարցի արմատական լուծումն է... Պատկերացրեք մի պահ արևելյան նահանգներում հայկական մի պետության կազմվելը, նման մի պետություն տապալանաբարն է Թուրանական ծրագրին»⁶⁰։

Թուրքական մամուլի օրգանները՝ «Թասֆիրր-էֆբեար», «Թանին», «Փեյիամ», «Թերջիմեն», «Ժեռն Թուրք» հայհոյում ու վատարանում էին հայերին, հայտարարում, թե չկա և չի լինելու Հայաստան։

Գործողության ուղեցույց էր դառնում «Ուլ մեզ դեմ է, պետք է կոտորենք» սկզբունքը։ Ուրեմն մեկնակետը պարզ էր. հայկական շարժումը համարվում էր զլխավոր խոչընդոտ համաթուրանական պլանների իրականացման ճանապարհին և Թուրքական կառավարության հարվածներն ուղղվելու էին հայ ժողովրդի միանգամայն արդարացի ձգտման դեմ։ Բալկանյան պատերազմներից հետո հայ բնակչության դանդաղ հաճախահարության, կողոպուտի, սպանությունների, բռնի կրոնափոխության, առևանգումների ավանդական քաղաքականությունը փոխարինելու էր գալիս մեծ չափերի հասնող տեղորոք ինչպես քաղաքական, այնպես էլ տնտեսական ու մշակութային ասպարեզներում։

⁵⁶ «Արարատ», 1963, № 6542 (254)։

⁵⁷ Tekin Alp, The Turkish and Pan-Turkish Ideals, Wetmar, 1915.

⁵⁸ Ա. Մանգելշտամ, Նշվ. աշխ., էջ 35։

⁵⁹ Թոյնրի, Նշվ. աշխ., էջ 29—41։

⁶⁰ «Արարատ», 1963, № 6542 (254)։

Յուրաքանչյուր հակահայկական որոշում, միջոցառում խիստ կերպով գաղտնի էր պահվում: Ոչ ոք չի կարող ժխտել, որ երիտթուրքական կառավարողները տարիներ շարունակ իրականացնում էին թուրք բնակչությանը յուրօրեն զինելու և ընդհակառակը, հայերի և մյուս ժողովուրդների դիմադրողականությունը խաբեությանը և մատնություններով, բռնի ուժով տկարացնելու քաղաքականություն: Հարցը միայն ժամանակի մեջ էր: Պատեհ առիթ էր պետք, որպեսզի կենտրոնի ազդանշանով սկսվեր հաշվեհարդարը բոլոր նրանց նկատմամբ, ովքեր հարում էին ապակենտրոնացման որևէ գաղափարի: 1912—1914 թթ. հայկական բուրժուարացիների դիվանագիտական քննարկման ամբողջ ընթացքում թուրքական մամուլի էջերը լի էին սպառնալիքներով ու հայհույանքներով հայ հասարակական գործիչների, ուս պետական գործիչների և ընդհանրապես, ուս ժողովրդի և հայերի հասցեին:

1913 թ. վերջին էրզրումից ուսական գլխավոր հյուպատոս Աղամովը հաղորդում էր, որ այնտեղ իթթիհատականներն արդեն իրենց ժողովներում քննարկում էին հայերին կոտորելու հարցերը: Մուլանների պահանջով մահմեդականներն սկսել էին սպիտակ շալմաներ կրել: «Ըստ լուրերի,— հաղորդում է հյուպատոսը,— ամեն ինչ պատրաստ էր կոտորած սկսելու և սպասում էին միայն ազդանշանի՝ մայրաքաղաքից»⁶¹: Ավելի ուշ նույն Աղամովը հաղորդում էր, որ հակահայկական տրամադրությունները զրգռում էր Կ. Պոլսից էրզրում ժամանած իթթիհատական գործիչ Հիլմի Բեյը, իսկ զինավարժություններ էր կազմակերպում գերմանական հյուպատոս Անդերսը⁶²:

Իթթիհատական գործակալները քրդական ապստամբական առկայծումները հաղթահարելու, հայ-քրդական ընդհարումներ առաջացնելու նպատակով նույնիսկ հայերին զենք էին առաջարկում⁶³: Ամենուրեք կառավարությունը հակահայկական պրովոկացիաներ էր պատրաստել:

Կ. Պոլսում, Արևելյան Անատոլիայի և Կիլիկիայի քաղաքներում երիտասարդ թուրքերի կազմակերպած զինված խուժանի խմբերը անցնում էին հայկական թաղամասերով, ֆանատիկ, սպառնալից կոչեր անում կամ այդ ոգով զրառություններ կատարում տների, եկեղեցիների, դպրոցների դռներին ու պատերին: Երիտասարդ թուրքերի օրգան «Թասֆիրե էֆեբար» թերթը մոլեռանդատելությամբ տողորված հակահայկական նյութեր էր տպագրում: Իր համարներին մեկում նա գրում էր, «թե հայկական խնդիրը պիտի վերանա, և այլևս անոր հետ զբաղվելու բնավ պետք պիտի չտեսնվի»⁶⁴:

Թուրքական շովինիզմը դառնում էր անհանդուրժող, այլամերժ և հարձակողական: Պետք է բնաջնջել հայերը կայսրության մեջ,— հայտարարում էր նույն մարդակեր նազրմը, հայ ժողովրդի գենոցիդի տեսաբանը:— Այս առաջարկը կարող է թվալ անխիղճ, անմարդկային, դժվարին, բայց հարցը խղճին խնդիր չէ, ոչ էլ մարդկային զգացմունքների խնդիր: Հարցը միայն քաղաքական է, Թուրքիայի շահերի և ապագայի հետ սերտորեն կապված խնդիր: Նա

61 Сборник дипломатических документов, «Реформы в Армении», 26. XI, 1912—10. V. 1914, Петроград, 1915, էջ 133.

62 Նույն տեղում, էջ 144.

63 «Մշակ», 1914, № 8, Տե՛ս նաև Ս. Ա. Կ. Ն. ի, Միլիոն մը հայերու ջարդի պատմությունը, Կ. Պոլս, 1920, էջ 151—155.

64 «Հորիզոն», 1913, № 252.

սլահանջում էր համաձայնվել «հայերի ամբողջական և արմատական բնաջնջման ծրագրին, ապահովելով մեր զարգացման ու զորացման ուղին»⁶⁵:

Կանխարկական այսպիսի անսքող հարցադրումները ցույց են տալիս, որ դեռ մինչև 1914 թ. երիտթուրքերի որդեգրած հայաջինջ դործելակերպը բարձրացված էր սլետական քաղաքականության աստիճանի և միայն առիթ էր սլետը, որ նա դառնար համապարփակ, բնդգրկեր ամբողջ արևմտահայությունը:

Լենինյան «Պրավդա»-ն, անդրադառնալով երիտթուրքերի հայահալած քաղաքականությանը, բնդդծում էր նրա ռեակցիոն էությունը, դատապարտում հայերին թուրքացնելու շովինիստական նկրտումները, որոնք ավելի կոսլիտ և մշտական բնույթ էին բնդունել, քան Արդուլ-Համիդի թագավորության օրոք էր: «Պրավդա»-ն դրում էր, որ սլրուկտարիատն իր բողոքն է արտահայտում Թուրքիայում կատարվող զագանությունների դեմ»⁶⁶:

Նորվեգացի մեծ դեմոկրատ Ֆրիտյոֆ Նանսենը, որ քաջածանոթ էր հայ ժողովրդի սլատմական բախտին, թուրքահայերի արյունոտ ճակատադրին, հաստատում է, որ երիտթուրքերի սլարադլուխները դեռևս մինչև առաջին համաշխարհային սլատերազմը որոշել էին հայերին արմատախիլ անել⁶⁷: Ֆրանսիացի Վիկտոր Բերարը, որ նույնսլես Հայաստանին նվիրված մի շարք աշխատությունների հեղինակ է և իր դործերում, հրասլարակախոսական հողվածներում հանդամանորեն անդրադարձել է երիտթուրքերի վարած ներքին քաղաքականության հարցերին, տակավին 1912 թ. նշում էր, «թե առաջիկա դարնանր թուրքերը կոտորած սլիտի բննն Հայաստանի մեջ»⁶⁸:

Բագմաթիվ այլ իրագեկ հեղինակներ հաստատում են, որ հայերին մասսայարար կոտորելը իթթիհատի կողմից սլատերազմից շատ առաջ մշակված նրագրի արդյունք էր, որ մարմին առավ բալկանյան առաջին սլատերազմի և ասլա հայկական բարենորոդումների հարցի հասունացման շրջանում: 1914 թ. սեսլտեմբերի 5-ին դրած իր մի նամակում Սիամանթոն արդեն կանխագդում էր հայ ժողովրդին սսլառնացող ադետը. «Ամեն բան արդեն կը մոլտան, — գրում էր նա, — սլիտի կոտորեն»⁶⁹: Եվ նա շէր սխալվում: Պատերազմի հետևանքով ստեղծված իրավիճակը սանձագերծեց թուրքական ջարդարարներին: Կայդերական Գերմանիայի աջակցությամբ, իմսլերիալիստական մյուս տերությունների թդդտվությամբ էնվեր-Թալեաթ-Ջեմայ ռեակցիոն կլիկը սլատմության մեջ աննախադես ոճրադործությամբ իրականացրեց արևմտահայության տեղահանման և բնաջնջման կանխարկական ծրագիրը:

65 «Արարատ», 1963, № 6543 (255):

66 Տե՛ս «Правда», 27 июня, 1912, «Путь Правды», 1 февраля, 1914.

67 F. Nansen, Armenia and the Near East, London, 1928, էջ 297:

68 Մ. Սերոյան, Հայկական հարցը և անոր փուլերը, 1937, Բոստոն, էջ 132:

69 «Արև», Կահիրե, 1963, № 13493:

**ТЯЖЕЛОЕ ПОЛОЖЕНИЕ ЗАПАДНЫХ АРМЯН
ПЕРЕД ПЕРВОЙ МИРОВОЙ ВОЙНОЙ**

Дж. С. КИРАКОСЯН

(Р е з ю м е)

Накануне первой мировой войны более чем двухмиллионное армянское население Турции находилось в тяжелом положении. После переворота 1908 г. верхушка младотурецкой партии «иттихат» не осуществила никаких преобразований в стране. По сравнению со временами султана Абдула-Гамида положение трудящихся ничем не изменилось. Ничего не делалось и для удовлетворения национальных требований нетурецких народов. В аграрных отношениях продолжал властвовать феодальный тяжелый гнет. Особенно обострился национальный вопрос. Терпя внешне-политические поражения в Северной Африке и на Балканах, а во внутренней жизни сближаясь с реакционными силами страны, младотурецкие шовинисты стремились сохранить турецкую деспотическую форму правления. Свою ярость они направили против нетурецких национальностей, в частности против армянского народа. Следуя девизу «Турция — для турков», они подняли на степень государственной политики пропаганду и практику идеологии пантюркизма, перемешанного с панисламизмом. Политика подавления национально-освободительной борьбы западных армян, уничтожения их национальной и культурной самостоятельности, политика сокрушения огнем и мечом сопротивления армян осуществлению пантуранизма была поставлена на «деловую» основу. Исторические факты подтверждают, что еще до начала первой мировой войны младотурецкая реакционная клика уже разработала каннибальский план уничтожения западных армян.